

續修四庫全書

《續修四庫全書》編纂委員會編

續修四庫全書

上海古籍出版社

一四三二・集部・別集類

小倉山房詩集三十六卷補遺二卷 小倉山房文集三十五卷 小倉山房外集八卷

(文集卷三至外集卷八)〔清〕袁枚撰……………一

抱經堂文集三十四卷(卷一至卷二十三)〔清〕盧文弨撰……………五四一

小倉山房文集卷三

錢唐袁枚子才

文華殿大學士尹文端公神道碑

乾隆三十六年二月文華殿大學士尹公薨于位
天子震悼加贈太保謚文端崇祀賢良次年三月公子
慶玉等扶柩塋于遼東遵公遺命墓勿爲碑其門下士
袁枚泣而言曰古勲華之盛皆于卑夔之訐謏中見之
我國家治隆唐虞天生文端公熙帝之載垂五十年
四夷九州問公慕公萬類胥延矣倘生平忠勛離然就
湮于公謙德可也其何以佐聖清之光明哉第公奏
稿盡焚密勿語外罔聞知而枚又生晚靡能記憶謹就

小倉山房

卷三

受業以來隅坐時齒牙所及諸軍民屬吏所祝稱者鋪
揚之以聲于貞石或亦左氏所謂遠而道者耶諸公子
曰唯唯乃撫其梗概而銘之曰公諱繼善字元長晚自
號望山滿洲鑲黃旗人世居遼東父泰罷祭酒家居
世宗爲藩王祭長白山召與語悅之問有子仕乎曰第
五子繼善舉京兆曰當令見我及公試禮部將謁雍邸
而

聖祖崩世宗卽皇帝位乃中止公亦登雍正元年進
士引見世宗喜曰汝卽尹泰子耶果大器也選入翰
林而召祭酒公爲工部侍郎尋遷東閣大學士怡親王
請公爲記室上許之天寒衣羊裘從王王憐其貧賜

小倉山房

卷三

青狐一襲奏署戶部貴州司郎中當是時廣東總督孔
毓珣與巡撫楊文乾不相中肇高廉道王士俊者楊所
薦也伺楊入覲劾王下獄公承命往鞫得其情世
宗深嘉之未復命授廣東按察使甫抵任遷副總河未
半年遷江蘇巡撫仍兼河務事時雍正六年也江蘇漕
政抗弊公奏衛丁州縣費各有需嗣後請米一石收費
六分先給官丁使無不足然后一裁以法又奏平糶盈
餘非公家之利應存縣庫又奏撤水師營而增沙船巡
海又奏鹽院伊拉齊不法請褫職擒問世宗悉允所
請謹聲接于衢七年署河道總督九年署江南總督未
一年雲南元江苗反調雲貴廣西三省總督公白哲少
鬚麋豐頤大口聲清揚遠聞著體紅癭如硃砂鮮目秀
而慈長寸許釋褐五年卽任封疆年裁三十餘遇事鏡
燭犀剖八面瑩徹而和顏接物雖素不喜者亦必寒暄
周旋常一月間兼攝將軍提督巡撫河漕鹽政上下兩
江學政等官九印彪列簿書填委而公判決恢然無瘁
容亦無驕色猶與諸生論文課詩以故民相傳折服聞
呼騎過爭欣欣然走一二里追輿望影以爲天人其督
南河也上命開天然壩公不可適浙督李衛入覲過
清江傳旨嚴飭且云衛已奏明黃水小開固毋妨公
覆奏李衛不問河身之深淺而但問河水之小大非知
河者也倘河淺壩開宣流太過則湖水弱難以敵黃之

強方草奏時幕中客齊爲公危有治裝求去者公不爲動。世宗喜曰卿有定見朕復何憂。輟御衣冠賜公而加公太子太保其調雲貴入覲也。江南災河東總督田文鏡欲夸所屬之豐請漕東粟助賑按察使唐綬祖密奏東省亦災粟宜留。世宗問公公奏如綬所言。世宗曰如卿言山東誠災第綬祖田文鏡所薦不宜異議。公曰臣聞古人有申公憲以報私恩者若臣作田文鏡只知感愧不知嫌怨時唐禍幾不測以公解得免而公初不識唐也。公既到滇知前督高其倬雖受譴而老成有識乃虛已諮詢高亦感公意備告款要遂率總兵楊國華董芳等分路進兵破之擒其魁老常小等元江

小倉山房

卷三

三

平今。上登極之二年補刑部尚書四年教習庶吉士五年總督川陝八年江南災調兩江十三年調廣東不果補吏部尚書協辦大學士金川用兵乘傳與忠勇公傅恒詣軍前受降畢仍督川陝十六年調兩江十九年河決。命督南河河平。命視師伊犁半途追還仍督兩江二十九年。上召公爲慶七十賜譙于第拜文華殿大學士仍攝總督次年還朝相。天子七年薨公毅而能撥機牙四應。上深知之凡糾紛盤錯事他大臣能了者不命公。公既命公則皆失色。柁險萬口禁聲人方怯公無下手處。而公糾徐料量如置器平地靡不帖妥。又如東風吹枯樹。易改色。凡一督雲貴三督川陝四督

江南而在江尤久前後三十餘年民和與父馴子伏每聞公來老幼奔呼相賀公亦視江南如故鄉渡黃河輒心開臨入閤時吏民環送悲號公不覺悽愴傷懷過村橋野寺必流連小住慰勞送者不侵官不矯俗不畜怨不通苞苴嚴束僉從所游肅然將有張施必集監司以下屬曰我意如是諸君必駭我我解說則再駭之使萬無可駭而後可行勿以總督語有所因循也以故公所行鮮有敗事所理大獄雍正間江蘇積欠四百餘萬乾隆間盧靜生偽稿及各郡叛逆邪教等案皆株引萬千而公部居別白除苛解曉不妄戮一人先是十六年天子南巡黃文襄公盱衡厲色供張辦二十三年至三

小倉山房

卷三

四

十年公三迎。鑾熙熙然民不知徭役供張亦辦人以是服公之敏也。公清談干雲而尤長奏對。世宗嘗詔公曰汝知有督撫中當學者乎李衛鄂爾泰田文鏡是矣公應聲曰李衛臣學其勇不學其粗田文鏡臣學其勤不學其刻鄂爾泰大局好宜學處多然臣亦不學其悞也。江蘇布政使某妄奏司胥侵歷年正供自矜嚴察公偏劾其寬縱曰某既知庫虧百萬而不能科別窮治何耶。上意釋命大學士劉統勲會同按覆事果虛俗傳公貌類佛而不喜佛法聞人才後進則傾衿推轂提訓孳孳每公餘一卷一燈如老諸生寒暑勿輟詩成喜人吟聽至頓挫處手爲拍張或半字未安必嚴改乃已

以故清詞麗句雖專門名家自愧不如上嘗下詔云
本朝滿洲科目惟鄂爾泰尹繼善二人嗚呼榮哉故事
宰相抵任在翰林衙門公入相時所坐處卽公先人之
位公母徐氏側室也以公貴封一品夫人公側室張氏
以第二女爲皇八子妃亦封一品夫人充丙戌會試
總裁先一年而降旨皆異數也公本姓章佳氏先娶
耶氏再娶鄂氏俱封夫人子某某
銘曰一事未行懼聲雷鳴問厥所由相感以誠一令裁
布趨迎滿路我知其故信之有素大哉夫子金粹玉溫
仇怨低首羗戎扶輪五行中士四時中春惟其育物所
以歸仁公嘗訓人人如履地不留有餘鮮不顛蹟人亦

小倉山房

卷三

五

指公公如大樹安寢其下使人可據羊腸業業公能游
之虎目猗猗公能柔之匿瑕藏疾公亦憂之摘果未熟
曰且留之及其覆矣轉相告矣公亦無言笑而受矣貴
且彌恭老乃益聰乾乾日稷扶我皇風大鐘勿考大廉
勿表官久胡貧惟天了了十事要說姚崇忠愛公欲云
云探懷有待元齡遺表諫征高麗公竟生前抗顏陳詞
易簣猶視殘編斷紙曰性所耽惟文與史七十七年大
星歸矣如彼宣尼可止則止有子十三鄧家金紫罔不
東脩敦詩說禮遶水湯湯繞公墓堂江水悠悠望公來
遊二水之間知公俱到所到孰多江南有廟

武英殿大學士忠勤伯太保黃公神道碑
公姓黃名廷桂字丹崖正黃旗人年十九以材官引強
從

聖祖出塞獵控飛猱落雙雕者二十餘年

世宗登極授宣化總兵四川提督甫至官卽奏設局辦
治鎗砲鉛丸時西土無事而公豫籌同仕者笑之未幾
西藏阿爾布托反公往敵千毅甲軍容山立賊大驚散
走事聞世宗知公可大用命討雷波士司楊明義等
擒其魁餘黨悉平亡何滇苗阿驢反圍叅將謝某於赤
衣臺七日公率兵入大小涼山攻殺降下之乃還秋滇
省烏蠻又反公軍川滇接壤處四路堵遏卒轉其酋

小倉山房

卷三

六

世宗大悅命總督四川省地丁每兩耗二錢民苦之
公請每兩減一奏上報可卽
今皇上卽位之元年也俄而總督缺裁署天津總兵遷
古北口提督再遷甘肅巡撫其時邊省倉空地屢震新
渠寶豐幾不毛矣公符縣買籽種耕牛招民授田浚昌
潤渠灌之行二年兩邑富如初十三年春署陝甘總督
冬調江南十六年仍調陝甘十八年調四川二十年加
太子太保補武英殿大學士仍督陝甘當是時國家
禽達瓦齊方開闢伊犁威震萬國而投誠之阿睦爾撒
納叛入哈薩克回虜竊發襄勤伯鄂容安兵部尚書班
第死之天子震怒命大將軍永常兆惠等相繼出兵

公以爲先安內而後攘外。夷跳梁國無大損。若因軍需騷致內地有事。則金甌玷矣。乃命運糧車十家抽一厚其值。許帶什物。貿鬻民踴躍爭先。慮牛運妨農。奏買騾分布口內外。民耕如常。又以爲凡事豫則立。糧待盡而後運。則士飢馬待缺而後補。則戰餉乃命安西至哈密沿路開池畜豆馬到行且喂。以故馳千餘里愈壯。駐防臺站月需米數千。曰吾前撫蘭時曾買穀三百萬石分貯河東西。正爲此耳。識者方知公遠謀。董安于不是過也。逆酋已瑪等叛。截臺臺信不通。沙克都爾慢吉一支就賑蘭州。逼近肘腋。巴里坤大震。公遽發兵三千鎮撫之。奏出半月而

小倉山房

卷三

七

命下如公言。布政使蔣炳共事肅州公。檄令回蘭州督賑。奏出四日而

命下如公言。公又擬奏大將軍兆惠以孤軍守阿克蘇

無益宜早令回軍相機再進。奏未出而

命下如公言。公每有謀算動符。聖意雖隔萬里如在

目前以故

眷寵日隆。加太保封忠勤伯。世襲雲騎尉。賜紅寶石頂四團龍補服。公素患咯血。既理軍務中夜輒起。或張目達旦。致積勞成病。劇嘔語猶以馬駛糧運進勦擒賊諸務。喃喃不絕。官吏文武繞榻環聽爲之涕泣。漏下一鼓而薨。年六十九。天子震悼。賞賻無算。柩還車

駕親奠。諡文襄。崇祀賢良公。陰重強毅。常稱事英主。有法若先。有市惠。好名黨援。諸病爲上所知。便行一好事不得。故生平寡笑語。所在芒角。專以招怨。謗忤權貴。爲務孤行一意。奉主而已。及事關重大。旁人平素舒綬養名者。束手不敢動。而公輒以一疏得之。或直薦其戚里。或保留人於臨斬決時。或請需軍需數百萬。奏上卽行。海內駭服。清奇長身。鶴立額上。瘤起如佛頂。懸珠者然。見屬吏無溫顏質。其過高坐。不冠斜睨而涕唾。司道以下寒毛惕伏。甚至股弁然喜人強項。愈駁辨愈喜。理屈則從之。或以此受目色。督西川時。外夷准噶爾入關。熬茶有悞。奏入寇者。天子命公發兵公封還

小倉山房

卷三

八

詔書奏不可已。而果以悞開調肅州馬駐防兵倚將軍勢或不時給公奏之。上命滿洲三品以下官許公杖決。由是令無不行。居恒無他嗜好。放衙畢手通鑑一編而已。子一人。某福建糧道先公卒。以某年某月葬公于某。銘曰。吾未見剛次。莫如猛。惟我文襄秉此以逞。起宣化終涼。甘利西北。不利東南。莫鷹獬付崔楷。貉子過老罷卧天。縱其鋒爲李橫。衝孤捧紅日以行于空。如繫虎鬚牽不得。動鳴呼竟以始終。世之過人不履影而尤豫奪常者。其視此華表之穹隆。

文淵閣大學士史文靖公神道碑

乾隆五年

天子命刑部尚書史公教習庶吉士教習 國書免課而公命擬奏疏一通褒許甚盛嗣後趨函丈不待啓輒入得與聞 本朝文獻

仁廟

世廟兩聖人所以致太平之隆與公生平受知恩遇談洋洋盈耳於古大臣酷愛姚元之蓋自況也後十年枚再拜公於 賜第時公已作相而枚起病入都公教之曰聞汝宰江寧有善政誠不負所言惜杜牧之未免風流耳遠到者宜戒也嗚呼言猶在耳而公自此訣矣

小倉山房

卷三

九

今年五月十三日公薨於位 天子贈太保諡文靖命翰林立傳樹碑於墓公之勲 天子爲揚其聲光銘公者有 hands 筆在何俟門下一舊史官哉然弟子傳其師各有心得而不能自已謹廣其事于狀外而擬爲銘曰公諱貽直字敬弦號鐵崖系出東漢溧陽壯侯世居湖球里徙夏莊父夔官官詹以文學清望伏海內公貴贈如公官公十歲能詩十八舉京兆十九登進士入翰林典試於滇督學於粵所至有聲爲掌院湯公右曾所抑由檢討而贊善而諭德而侍講而庶子而學士優游清秘不是一級者二十三年雍正元年大將軍羹堯平青海歸勢張甚黃輿紫駟絕馳道而行王公以下騰

小倉山房

卷三

十

地郊迎年過目不平視獨公長揖年望見大驚遽翻鞵下曰是吾同年鐵崖耶扶上已所乘馬而已易他馬並轡入章蓋門翼日補吏部侍郎尹順天 世宗晝日三接咨詢優獎公亦布露所畜勤施於四方乘傳訊雁平道王寵閣令梅庭謨清釐直隸河南積案甄別閭閻官雖事秘外不能知而考殿平反輿論翕然公在 世宗時總督福建再督江南授都御史巡撫陝西在今上時總督湖廣再督直隸加經筵講官戶工刑兵吏五部尚書文淵閣大學士仍兼吏部尚書公生而徇通神識超妙周巡六曹出入九鎮又復六十餘年以故所蒞處如日破黑湯沃雪批沍窳要動中機宜常言天下辦事人多解事人少深刻非明懈弛非寬交際非私協恭非黨故公爲政行已無心寬猛耻矜苛廉一以持大體安社稷爲務先是戊臺灣兵武弁送往動索番社頓遞公改委臺鎮本標弊遂絕漳泉卑溼穀易朽公奏臺灣例給兵米卽以四府穀運廈門碾發嗣後無角尖耗西安無屯倉公請軍需刺穀十六萬爲貯歲饑屯民受賑如一苗盜蒲寅山據梟頭山叛積十稔未平公設方畧命總兵李椅禽其魁餘黨悉散容美土司稅輕改歸流後稅增公請仍征原額獠猺歡呼督直隸未半年所題結事九千六百餘 今上登極公首奏停開墾以杜浮冒禁勸捐以正國體循資格以息奔競用科目以重科道

吏禮四衙門疏數千言 上在藩邸習聞 世宗稱公及是愈信其賢悉允所奏因公入謁 梓宮召見溫諭良久賜 世宗所遺鶯黃蟒衣四團龍補服曰此 先帝意也今朕君臣所共事即 先帝事也卿其始終一致公感謝嗚咽 上亦泣下不止公清標玉立眉目如畫舉止詳華靴塵不沾衣圭袍褶式皆內裁性強記尤善清言雖莊語危論必多警引饒風趣每早朝立宮門槐柳下諸王貝勒卿貳翰詹環聽鐵崖相公道 三朝舊事者臣言行以至輿服車騎之儀適羅縷明暢如鳳鳴九霄下風傾耳聞所未聞他大臣或懼言溫室言咤咤不宣而公肆意逞詞談調流連忌者亦不能中也乙

小倉山房

卷三

十一

亥歲次子奕昂署甘肅布政公通書於巡撫鄂昌事聞天子休公于家公出學舍後未嘗家食至是乃得掃墳墓到兒時釣弋處召族人數千分俸置酒爲二疏故事里中負簣笠者見公鄉音如故嫺睦有加咸從從奔趨來看真宰相乃未幾而 天子南巡仍召公入閣矣公尤長奏對年羹堯伏誅窮治黨與 世宗問汝亦年某薦乎公免冠應聲曰薦臣者年羹堯用臣者 皇上世宗默然常奏事拜起舒遲 上問卿老憊乎公曰皇上到臣年當自知之 上大笑時公年八十一矣公少時撤金蓮燭成婚中年督雨江開府鄉里晚年再宴鹿鳴瓊林周科目六十年之數 天子賜詩褒美祝

小倉山房

卷三

十二

太后萬壽入九老會圖形內府近古以來所未有也上蔡令張球誣陷同官邵言綸總督田文鏡庇之 世宗命公往豫察覆發其奸田大慙大學士邁柱請開楚丹河運米公力持不可浙督李衛約爲兄弟公嫌其不學也謝之三人方柄用時撰其鋒者皆懼公獨棘棘不阿其守正如此晚年 恩禮愈隆肩輿入紫禁城陪祀不與大寒暑不入閑湯沐小休即齋物賜於家患風熱數日曰吾本無疾而此中竭矣即繕遺表薨子三人長奕簪官翰林次奕昂廣東布政使次奕瓊知潞安府夫人許氏先公卒合葬某銘曰天球河圖西序雙陳阿衡太師朝不兩人奕奕史公維嶽降神通峭風骨華重冠巾天生公來作百官表表上頭銜公身可考 帝賜公履作九州圖圖中禹甸公盡馳驅勿矯勿隨有猷有爲雷霆之下談笑指麾垂老雍容黃扉供奉 主聖臣逸物希寵重堯禹盤匱義軒露襲但厥于庭四方風動何必珥珥再叩其用伏波談論王公意消笑斤老去善說先朝八十二年委化而卒帝子奠酒千官執紼太常大烝與國無極惟予小子奉 詔受經偶坐請業有訓則聽褒其文才揚於王廷小謫逢山公爲涕零望奮池池以振厥聲一朝星隕吾將安仰絲竹前生山河音響見而知之典型不爽私製碑銘以質泉壤

廣西巡撫金公神道碑

乾隆元年春枚起居叔父於廣西巡撫金公幕下見公奇枚狀貌命爲詩大異之當是時

天子詔舉博學鴻詞之士四方舉者每疏累數人多老
師宿儒公獨專爲一奏稱某年二十一歲賢才通明羽
儀景運應此選克稱語多溢美天下駭然想見其人廣
西白高爵以下至于流外驚來問訊亡何枚報罷公亦
以事去官後二年枚乞假歸娶拜公於安肅會日暮天
大雪公聞其至也喜曳杖走出及門迎且笑曰果然翰
林耶枚再拜公答拜命入見夫人五年枚再入都公之
兩子來曰琨玉振玉等不孝不能延先君之年今先君

小倉山房

卷三

三

薨葬有日矣惟貞石之未書翰林其銘先君哉枚乃泣
而言曰公仕宦垂三十年盛業若干枚與兩郎君俱年
少知之難文之尤難雖然就所聞以光幽宮翰林事也
亦門生志也不敢任亦不敢辭謹按公諱鉅字震方一
字德山祖友勝本姓金襲明金帶指揮世居山東登州
流賊破城友勝死之存三歲兒名延祚太夫人余氏將
死屬諸側室趙氏曰守節經也存孤權也我行經汝行
權趙氏泣而頷之孺兒至遼陽轉適郭氏既長從本
朝入燕歷任工部侍郎生公及公貴始復姓公通易理
善兵法爲粵西布政使奏州縣向例雖有繁簡兩調而
於所治處分析未備則人地難相宜請分衝繁疲難四

條許督撫量才奏請 上嘉納焉今直省所行自公始

西隆州八達寨苗反公討平之奏免調城六年督撫
汎兵少粵土蕪不治乃行屯田法設都司官駐柳州與
民牛招之耕教之技勇每名給水田十畝公田一旱田
三十畝公田二存公田租於社倉行之期年粵粟田萬
餘於是天下人皆曰公以一廣昌知縣莅任五年蒙
世宗皇帝擢太原知府才三年遷廣西按察使才一月
遷布政使才三月遷巡撫今入粵者望氣蔥蔥然政行
民和大異時昔然則 世宗非用人之驟也其知人之
深也公之自太原入覲也方廷議耗羨歸公公奏不可
世宗不悅曰朕已定養廉矣汝在官私官乎公叩頭曰

小倉山房

卷三

古

臣非爲官游說也從來財在上不如財在下州縣爲親
民之官寧使留其有餘養廉者養其家使知廉恥也家
有大小所定數計能胥足一週公事動致俯張 皇上
之意豈不曰凡是官辦皆許開除正供但從司院案覆
以至戶部府層層報銷甚難從此州縣恐多苟且之
政 皇上意在必行臣請養廉外多增公費或存縣或
存司倣北宋留州之法庶于事有濟會左都御史沈近
思持論與公合 世宗乃勅山西巡撫核公費章程巡
撫希 上意定數較他省爲優公撫廣西九年 今上
登極召補刑部侍郎治行時印券借司庫千金後任巡
撫楊超曾劾之罷職雜治居月餘楊招據不已 上怒

曰朕以金鉞撫粵久恐有他故故置之獄今楊超曾數來奏皆極細事是金鉞平日無可奏也免鉞罪以所借銀賜之卽日寧公于家五年春薨薨後天子念公賢授河南布政使吏部以爲公存也文書下其家叩門不應鄰一叟出曰公亡三月矣乃奏明收詔嗚呼罪之雪也雪之者必有人而公以加擠而得脫繼而起也起之者必有人而公以身死而得官然則公之孤直與天子之明聖可以見矣性仁儉而靜置古鐘一枚擊之以招僅豎侍者聞鐘聲始往造人至大同買妾詢爲宦家女厚其資歸之嘗謂雲貴總督鄧公爾泰曰收土歸流非計也異日當思我言公享年六十有三先娶綴氏

小倉山房

卷三

五

再娶陳氏俱誥封夫人

銘曰得一少年薦於皇天我愧賈後公居吳先公之勲庸震海所知灘水湯湯我初見之牙旗雨收南衙畫長每接從官竊窺簾旁口畢王事誦我文章行止儀狀瑣屑夸張辦裝非過借祿非貨受彼揚摺甘茲折挫天子有恩用公之魂豫民泣涕待公不至僕指平生第一知己豈圖報公如是而止嗚呼蒼天使我如此我心匪石墜於泉底

湖北巡撫唐公神道碑

惟唐氏世居海陵再遷揚郡唐公季如知靈山縣鼎革時輸金贖兵中子女天祐有德大昌厥宗再傳生公公行六諱綬祖字猶懷號我村者見歷翰林觀察司馬諸官而先生官尤尊舉康熙丙酉科封邱受知河東總督母文鏡從縣令遷歸德守濟東道山東按察使田以苛廉聞天下而公又精神淵著修下而馮人望見畏之以故共事者爭相攜嗽凡四落職三對簿沒產頌繫勢洵洵疑不能再脫而公卒無恙卒起用以官壽終知封邱時兩漁戶報盜失一袴一斧公疑之拘漁戶往勘漁戶卽盜也柘城盜供火伴某公疑之命侍者易衣就質盜

小倉山房

卷三

六

指曰是也公大笑鞠之乃爲役所教並盜非是守歸德時維縣民羅二被殺妻張氏訴賀某仇害獄已具矣公廉得張與叔姦手殺其夫賀得釋聊城民傳世友攜兒擒束傷卧道旁過者詢之曰俺兒聲終氣絕人縛其兒鳴官獄已具矣公廉得樹主所毆呼俺兒者戀其子也兒免極刑爲山東按察使時鄰城某殺人詭家奴自縊獄已具矣公疑券新勸他奴死者故石匠非奴也毆非縊也冤始雪爲廣西布政使時粵西桑江苗叛撫軍獲僞軍師黃某議遣官招安公不可口彼若執官而欲易其軍師奈何遂進兵旣而謀者言苗已張繩待矣撫軍欲遷外城民爲堅壁清野計公不可曰苗不薄會城也若

遷民而示之弱將薄城矣從之苗果平公雖出山公門而遇事不阿江南災田奏運穀助賑夸東省之豐也公密奏東省亦災穀宜留

世宗疑公負田恩沾名命白衣領職漕粟江南會雲貴總督尹公繼善入覲奏山東災重于江南事得釋入為太常寺少卿今上登極出為廣西按察使尋遷布政使公在山東時劾濟南知府金允彛後金弟榮為桂林同知構公于撫軍伺公入覲劾公公歸官罷家籍沒矣天子命廣東總督策楞往訊事得釋起用為浙江布政使浙撫常安匿災公爭之常為總督喀爾吉善所劾疑公反劾公公官罷家籍沒矣天子命大學士訥親總

小倉山房

卷三

七

河高斌往訊事得釋起用為江西巡撫調湖北湖北布政使嚴瑞龍老而耗公不禮焉嚴構公于總督承興劾公公官罷家又籍沒矣天子命河南巡撫鄂容安往訊事得釋起用為西安布政使未二年薨年七十嗚呼非公清節無虧百務有條必不能行險衢如康達至於再至於三循環終身而無咎非生遇聖明亦不能太陽麗空沉其必雲然公能知人用人能得人死力在朝卿貳在外岳牧州郡其賢者有意氣者靡不通縞紵序慇懃寡人子苟有才必折節下之嘯枯吹生排惻肫摯未幾所目色提挈輩雲蒸豹變百不失一雖日者筮人皆自愧不及而公亦頗以能相士為已任枚弱冠試鴻

詞下第落魄長安天大風雨雪衣縑單衣謁公於順治門里第公與語奇之次日屬今學士朱公佩蓮來欲妻以女枚以聘定辭而公憐之益甚每過必賜食且撫孟曰母寒乎每暑必賜浴且以指攪盆口湯未溫宜少待是時公為太常卿朱公亦未第事隔二十三年至今枚為人言猶泣下公葬邗江某原夫人吳氏附焉子三人長展衡官同知次倚衡官南安知府再次長衡蔭生銘曰悞海為深疑山必險闢者顛顛使公屯塞公曰聽焉禮義不愆福自天祐禍為道遣人望巨航忽沉忽漾誰知舟子其心蕩蕩人驚寶鏡忽涅忽磨惟其如斯光乃益多坐如舒雁行必圈豚言無枝葉腹有精神以人

小倉山房

卷三

八

事君可謂大臣而况其才揮忽紛綸謂余不信視此銘文

協辦大學士吏部尚書孫文定公神道碑

公諱嘉淦字錫公一字懿齋故爲太原縣民自代遷興居邑之臨河里父天繡以俠聞殺人吏持之急公年十八與其兄日行三百里出奇計脫父於獄中康熙癸巳進士雍正元年公以檢討上封事三曰親骨肉曰停捐納曰罷西兵

世宗壯之立召對授國子監司業遷祭酒再遷順天府尹工部侍郎先是工部吏奏銷爲姦公頒工程科比而先以物價咨外省督撫臨期料覆披籍而已吏相弔于家十年遷吏部侍郎仍兼祭酒事薦教習某世宗不用公爭益堅世宗擲紙筆與之曰汝書保狀來公持

小倉山房

卷三

九

筆欲下大學士某阿曰汝敢動御筆乎公方悟捧筆叩

頭世宗怒反縛置獄擬斬已而謂大學士某曰孫嘉淦太戇然不愛錢可銀庫行走公出獄不抵家徑趨庫所果親王疑公故大臣黜必嫌於懷不屑會計事又聞畫語謂公沽名收銀有縮無贏乃出不意笑至庫視公公方抱持衡僂稱量與吏卒裸坐勞苦均共問所收銀有不足乎曰某所收別置一所請覆之王辜權良久無絲毫縮贏如衡而止王大奇之卽爲轉奏上亦愈重公命署河東鹽院今上元年擢左都御史上三習一弊疏大旨以爲人君耳習于所聞則喜諛而惡直目習于所見則喜柔而惡剛心習于所是則喜從而惡違

小倉山房

卷三

十

自是之根不拔則機伏于微而勢成于不可返黑白可以轉色東西可以易位臣願皇上時時事常存不敢自是之心引文王望道未見孔子可以無大過爲喻天子嘉納之遷刑部尚書三年轉吏部尚書總督直隸直隸旗民襍處多豪強聞公往先聲警服引水溉田開五百八十支河使溝水通道道水通河河水通淀交注通洩無所滯留晉州小兒被殺同村紀某衣污豆汁有司悞爲血刑訊誣伏最後真定府知府陳浩來白公而勾決之旨已下公奏雪之又奏直省酒禁太嚴以日用飲食之故使天下騷騷非政體也弛之便一時解縲者三千餘人又奏給旗人屯田墾治古北口山海關外荒土數萬頃六年調湖廣總督前撫開橫嶺三洞議者以路太險欲棄之公曰此地於國家原無所可惜但諸苗俱入版圖而獨留此巢穴或不逞者聚焉則震驚寶靖城緩矣奏設叅將募兵鎮撫羣峒肅然調撫福建以前訊糧道謝濟世事不實免九年冬補宗人府丞公請老許之十四年召補副都御史尋遷吏部尚書協辦大學士公內峻外和相對者如登泰華坐春風非不陽和熙熙則在顏間而業已將人置青雲上雖有下界誰誘語不特不敢出于口亦并不能生於心好靜坐退食之餘一經相對兩朝聖人知公所學深能扶文運故命再督學五典鄉試兩總裁禮闈四任分校再領成均

再任翰林掌院教習庶吉士充經筵講官行走上書房
又命日進經義一章纂毛詩折衷成復命註易傳
蒙父甫畢而公病矣門下士卿貳百梓布列中外銘旌
歸送者編素如雲朝爲之空彰益門內外車馬填塞數
十里皆舉音以過喪 天子震悼 命皇子奠酒謚文
定公既負直聲屢躋屢起晚年物望愈隆朝中畧有建
白天下人咸曰得非孫公耶遂有匪人僞奏疏一紙語
甚悖託公所爲窮治經年裁得主者名 天子知公忠
無他腸寵遇益隆而公終不自安以爲捨他人而我假
必其致之者有自自此食不甘寢不寐情懷忍忍一切
所以補塞晏叅密勿者彌口不宣卽家庭間亦寂然無
小倉山房 卷三 主
復聞知故所狀公者止於此薨時年七十二子孝愉蔭
刑部主事薨某
銘曰繁星爛霄卿月孤明峩冠盈朝儒者孤行穆穆孫
公惟嶽降靈日營四海心醇六經摧剛爲柔惟誠故形
三揖在下九奏在廷咸有欽式閣手仰成北鎮南燕南
臨荆楚如泰山雲膚寸而雨 皇帝曰來卿學如古古
聖有心交朕與汝汝其發明朕爲汝主公晝夜領領精
思採取易極連藏詩窮齊魯宵夢孔周旦質堯禹每奏
一經黃封旁午孔明明淡泊豈喜聲聞無如民愛溢美紛
紛以致名尸走索其門謾語雙言直達九閣 帝曰徐
之俾是究是陳鏡涅愈瑩絲漚愈純保一个臣終始于

恩惟予小子受知最早欲永公名金石是考所聞者稀
所書者少嗚呼恐大行山高不如華表

小倉山房

卷三

主

太子太師禮部尚書沈文懿公神道碑

乾隆三十四年九月七日禮部尚書太子太傅沈文懿公薨于家余三科同年也故其子種松來乞銘余按其狀而不覺嗚咽流涕曰詩人遭際至于如此盛矣哉古未嘗有也在昔卿雲庶歌則有八伯喜起庶歌則有皇陶卷阿矢音則有召公其人皆公侯世卿非藉詩進者唐人或以單詞短句受知而目色偶及恩眷已終卽晚遇如伏生桓榮亦不過蒲輪一微几杖一設而其他無聞焉惟公以白髮一諸生受聖人知三十年位極公孤家餐度支遠封榮祖近蔭貴孫薨後皇情紆眷賜謚賜祭賜葬賜諡贈太子太師崇祀鄉賢嗚呼如公者

小倉山房

卷三

重

古何人哉古何人哉然而皆天也非人也公諱德潛字稿上自號歸愚吳郡長洲人弱冠補博士弟子丙辰薦博學鴻詞廷試報罷戊午舉于鄉已未登進士入翰林壬戌春與校同試殿上日未映兩黃門捲簾上出賜諸臣坐問誰是沈德潛公跪奏臣是也文成乎曰未也上笑曰汝江南老名士而亦遲遲耶其時在廷諸臣俱知公之簡在帝心矣越翼日授編修屢和上詩稱旨遷左中允少詹事與試湖北歸召入上書房再遷禮部侍郎校戊辰天下貢士公自知年衰薦齊召南自代而已請老上許之命校御製詩畢乃行上戲詩以賜曰朕與德潛可謂以詩始以詩終矣歸後眷益

隆三至京師祝

皇太后皇上萬壽入九老會圖形內府而皇上亦四巡江南望見公天顏先喜每一晝接必加一官賜一詩嗟乎海內儒臣耆士窮年兀兀得朝廷片語存問覺隆天重地而公受聖主賜詩至四十餘首其他醴和往來者中使肩項相望不可數紀常進詩集求序上欣然許之于小除夕坤寧宮手書以賜比以李杜高王海外日本琉球諸國走驛券索沈尚書詩集盛矣哉古未嘗有也然公逡巡恬淡不矜驕不干進不趨風旨下直蕭然繩非皂綈如訓蒙叟或奏民間疾苦流涕言之或薦人才某某展意無所依回或借詩箴規吁堯咈舜務達其誠乃已諸大臣皆色然駭而上以此愈重公公既老所選詩或不能手定庚辰進本朝詩選體例舛午上不悅命廷臣改正付刊而待公如初此雖皇上優老臣赦小過使人感泣而亦見公之朴忠有以格天之深也公嘗訓其孫惟熙曰汝未冠蒙皇上欽賜舉人亦知而翁十七次鄉試不第乎公鄉舉時已六十有六其時雖觴夢幻想必不自意日後恩榮至此而從來人主之權能與人爵未必能與人壽倘皇上雖有况施而公不能引其年以待之則亦帝力于公何有矣觀公之九十七歲方薨然後知蒼蒼者有意鍾美于公以昌萬古詩人之局而皇上與天合德先天而天

小倉山房

卷三

重

不違公之年與恩。但亦有莫之爲而爲者。嗚呼。此豈人力也哉。公醇古淡泊清麗。立居恒恂恂。如不能言而微詞。雋永無賢不肖。皆和顏接之。有議其門牆不峻者。夷然不以爲意。詩專主唐音。以溫柔爲教。如絃匏笙簧。皆正聲也。所著古文詩各三十卷。詩餘一卷。先娶俞氏。後朱氏。均贈夫人。以庚寅二月二日薨。元和之姜村里銘曰。古松得天讓。萬木先雖槁。暴于前而償以後。澤之綿綿則較夫早達者。轉覺羸焉。皓皓沈公。杖朝而走。帝曰。懋哉。朕知卿久。朕有文章待卿。可否殿上君臣詩中僚友。公拜稽首。老淚浪浪。從古傳人。半仗君王。蒙陛下將臣。置日月旁。以星雲色爲名。姓光生論定矣。死何勿彰。吁嗟乎。宮爲君商。爲臣宮商。應聲先生之詩之神。

小倉山房

卷三

三

江蘇巡撫雨峯徐公神道碑

公諱士林。字式儒。號雨峯。世居山東文登縣。父農也。公幼聞鄰兒讀書聲。慕之。跪太夫人膝前曰。願送兒置村塾。中許之。遂舉康熙辛卯孝廉。癸巳進士。補中書遷刑部主事。知安慶府。再遷江蘇按察使。以失察私鑄左遷江寧道。淳俗闢殺人捕之弊。聚衆陳山。或請用兵。公曰。無庸。命壯丁分扼要隘。三日度其食。且盡遣人深入。誅以好語。曰。垂手出山者免。如其言。果逐隊出。乃伏其仇於旁。仇大呼曰。爲首者某也。立擒以徇。衆驚散。嗣後捕犯犯無據山者。遷江蘇布政使。丁父憂。詔奪情巡撫江蘇。公不起服闋入都。

小倉山房

卷三

三

天子問山東直隸麥收如何。曰。旱且萎。問得雨如何。曰。鮮雨無益。問何以用人。曰。工獻納者雖敏。非才昧是非者雖廉實蠹。上深然之。補江蘇布政使。尋遷巡撫。未一年。病。病中念太夫人年高不能迎養。三上疏乞歸。上許之。行至淮安薨。天子震悼。命崇祀賢良。壽五十有八。公要路不通一刺。而於鄉會師門。倦倦不忘曰。此人生遇合之始也。治獄如神。任刑部時。有二人伐木塞外。木探乙斃。有司訊結矣。越三月乙弟以謀殺控甲。甲逃。公曰。置當場死者之妻子不問。而以三月後局外之人興獄乎。甲逃懼累非懼罪也。甲聞卽出獄。果虛。如安慶時。宿松婦田氏事姑孝。兄公利其產。逼嫁之。與羣匪

簪焉婦刎于途誣以墜水公坐堂上見黑衣女子啜飲
如有訴召兄公質之則毛髮析灑口吐情實公深愧以
鬼道設教而滿庭胥隸皆有見聞不能掩也凡讞決憲
于轅垣絕人影射守令來謁具獄命判試其才教曰深
文傷和姑息養奸戒之哉夫律例猶醫書本草也其情
事萬端如病者之經絡虛實也不善用藥者殺人不善
用律者如之性廉儉而絕不自矜撫蘇州時賀長至節
天寒裘充按察使包括以貂假公公披之如忘涕唾交
揮家人耳語曰此包公衣也公大慚謝過少頃論公事
快揮酒如初聽訟仇家人供角黍且判且啖少頃罷
盡赤盞悞碌為餽糖筆箸交下不復能辨晚坐白木榻
小倉山房 卷三 天

一燈熒然手批目覽雖除夕元辰勿輟幕下客憐之治
具邀公公猛噉不問是何膳飲其平素精神夢寐偃仰
睡涕知愛民憂國惟日不足而已故于服食居處人以
是供公以是受不容心于豐亦不容心于儉也間覺禪
師來江南督撫將軍以下負欄矢屈膝公長揖呼和尚
繼遣海保入獄五月猶狐裘公進葛衣大府呵之公曰
罪雖重於律五月不衣裘也楚鹽不運

詔命會同兩淮鹽政核議或勸公讓鹽政主稿公笑曰
問心公私耳何嫌之避請加息以惠商時內外大臣壺
始不前而公章先上乃附紙尾以進其遺表曰願 皇
上除弊政而毋事紛更廣視聽而中有獨斷愛民勿使

之驕用人先求其直章上人以此朱文端公云子某
銘曰昔湯文正為政江南民化其儉苦節成甘後有繼
者諄諄訓詞民不能從且相謗訾隔五十年徐公至止
宴滄浪亭五簋而已蘇城翕然儉且中禮惟余小子曾
人講學問先生風恍然夢覺同言而信信在言前同
而應應在禱先至誠動物其中有天羊質虎皮類然不
然嗚呼徐公今無其倫來非戀爵去非要君儉非矯俗
仁非市恩始於立身終於事親正色為秋微笑為春不
愛公勤愛公之醇不敬公清敬公之真爰為公銘以示
後人

小倉山房

卷三

天